



Broj: 02-04-50498-2/25
Sarajevo, 23.10.2025. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **99.** sjednici održanoj **23.10.2025.** godine, donijela je

ZAKLJUČAK

1. Utvrđuje se prijedlog Zakona o izmjenama i dopuni Zakona o komunalnoj čistoći.
2. Predlaže se Skupštini Kantona Sarajevo da, u skladu sa članom 158. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24), po skraćenom postupku pretrese i donese Zakon iz tačke 1. ovog zaključka.
3. Ovaj zaključak stupa na snagu danom donošenja.

P R E M I J E R



Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo,
6. Evidencija,
7. A r h i v a.

Na osnovu čl. 12. tačka e) i 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 – Ispravka, 3/96 – Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj _____ 2025. godine, donijela je

(PRIJEDLOG)

ZAKON O IZMJENAMA I DOPUNI ZAKONA O KOMUNALNOJ ČISTOĆI

Član 1. (Izmjena člana 57.)

U Zakonu o komunalnoj čistoći ("Službene novine Kantona Sarajevo", br. 14/16, 43/16, 19/17, 20/18 i 22/19) član 57. mijenja se i glasi:

"Član 57. (Obveznici plaćanja i osnovica za obračun naknade)

(1) Obveznici plaćanja naknade za uslugu prikupljanja, odvoza i deponovanja otpadaka (u daljem tekstu: korisnici usluga) su:

- a) vlasnik objekta,
- b) korisnik objekta koji ima pravni osnov korištenja objekta (ugovor o najmu, zakup, korištenje po osnovu posebnog propisa ili drugog pravnog osnova) i koji sa komunalnim preduzećem zaključi ugovor o korištenju usluge,
- c) nosilac prava raspolaganja ili nosilac prava korištenja za stanove i poslovne prostore za koje nije moguće utvrditi vlasnika, gdje obaveza plaćanja počinje teći od trenutka uvođenja nosioca prava raspolaganja ili nosioca prava korištenja u posjed,
- d) faktički korisnik objekta, ukoliko vlasnik ili korisnik iz tač. a), b) i c) ovog stava ne mogu biti utvrđeni.

(2) Kada je korisnik usluge fizičko lice i koristi stambeni objekat ili stambeni dio stambeno-poslovnog objekta, osnovica za obračun naknade utvrđuje se prema broju članova domaćinstva, a izuzetno, kada broj članova domaćinstva nije moguće utvrditi prema ukupnoj bruto površini objekta izraženoj u kvadratnim metrima (m²).

(3) Kada je korisnik usluge pravno lice ili lice koje obavlja samostalnu djelatnost i koristi poslovni objekat ili poslovni dio stambeno-poslovnog objekta za obavljanje registrovane djelatnosti, osnovica za obračun naknade utvrđuje se prema količini prikupljenog, odvezenog i deponovanog otpada, ukoliko korisnik usluge obezbijedi vlastiti zatvoreni sistem odlaganja otpadaka i zaključi ugovor o korištenju usluge sa komunalnim preduzećem, a u suprotnom prema ukupnoj bruto površini poslovnog objekta i poslovnog dijela stambeno-poslovnog objekta izraženoj u kvadratnim metrima (m²).

(4) Za objekte površine do 30 metara kvadratnih (m²) koji se koriste za obavljanje registrovane djelatnosti, naknada usluge prikupljanja, odvoza i deponovanja otpadaka se određuje u paušalnom iznosu.

(5) Za usluge prikupljanja, odvoza i deponovanja otpadaka iz st. (3) i (4) ovog člana primjenjuju se diferencirane cijene zavisno od djelatnosti koja se obavlja u objektu, a iste se utvrđuju prema pretežnoj registrovanoj djelatnosti korisnika usluga.

(6) Prema utvrđenom Programu održavanja čistoće, sredstva za komunalne usluge iz člana 56. tač. d), e) i f) ovog zakona obezbjeđuju se iz budžetskih sredstava Kantona Sarajevo - komunalna naknada i drugi predviđeni izvori, a na ostalim javnim površinama iz člana 4. ovog zakona, sredstva obezbjeđuju preduzeća ili druga pravna lica koja koriste javne površine.“.

Član 2. (Izmjena člana 60.)

Član 60. mijenja se i glasi:

“Član 60. (Trajno nekorištenje objekta)

(1) Ako se objekat ne koristi, korisnik usluga dužan je plaćati paušalnu naknadu za komunalne usluge za period trajnog nekorištenja.

(2) Trajno nekorištenje objekta postoji kada se objekat u toku kalendarske godine koristi najviše do 30 dana, povremeno i isključivo radi obilaska, održavanja ili kratkotrajnog boravka, a ne za stanovanje ili redovno obavljanje djelatnosti.

(3) Trajno nekorištenje objekta utvrđuje se na osnovu pisanog podneska korisnika usluga, a dokazuje se dostavljanjem dokaza od strane korisnika usluge i to dostavljanjem računa o utrošku električne energije i pitke vode za vremenski period, odnosno očitanjem mjernih uređaja kojim se potvrđuje da nema potrošnje električne energije i pitke vode, za koji se traži plaćanje iz stava (1) ovog člana.

(4) Komunalno preduzeće ima pravo putem ovlaštenih lica izvršiti provjeru činjeničnog stanja na terenu radi utvrđivanja tačnosti dostavljenih podataka i dokaza.“.

Član 3. (Novi član 76b.)

Iza člana 76a. dodaje se novi član 76b. koji glasi:

„Član 76b. (Način utvrđivanja i obračuna naknade)

Vlada Kantona uredbom će propisati način utvrđivanja i obračuna naknade iz člana 57. ovog zakona za fizička i pravna lica, uključujući kriterije za diferencirane cijene prema pretežnoj registrovanoj djelatnosti korisnika usluga, visinu i metodologiju obračuna paušalnih naknada usluge prikupljanja, odvoza i deponovanja otpadaka, elemente koje naknada obuhvata, uključujući troškove prikupljanja, odvoza i deponovanja otpadaka, postupak provjere i ažuriranja podataka o korisnicima usluga i način i postupak dokazivanja trajnog nekorištenja objekta iz člana 60. ovog zakona.“.

Član 4.

(Prijelazne odredbe)

(1) Vlada Kantona dužna je u roku od 60 dana od dana stupanja na snagu ovog zakona donijeti uredbu iz člana 76b. ovog zakona.

(2) Do početka primjene uredbe iz člana 76b. ovog zakona, obračun i naplata usluge prikupljanja, odvoza i deponovanja otpadaka vršit će se u skladu sa odredbama Zakona o komunalnoj čistoći („Službene novine Kantona Sarajevo“, br. 14/16, 43/16, 19/17, 20/18 i 22/19).

Član 5.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

**PREDSJEDAVAJUĆI SKUPŠTINE
KANTONA SARAJEVO**

[Redacted Signature]

Broj: _____

Sarajevo, _____

Obrazloženje

I PRAVNI OSNOV

Pravni osnov za donošenje ovog zakona je u čl. 12. tačka e) i 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 – ispravka, 3/96 – ispravka, 16/97, 14/00, 4/01, 28/04, 6/13 i 31/17) kojima je propisano da Kanton, u okviru svojih nadležnosti, između ostalog, utvrđuje politiku koja se tiče reguliranja i osiguravanja javnih službi, te da donosi zakone i druge propise iz nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona.

II RAZLOZI DONOŠENJA

Zakonom o komunalnoj čistoći („Službene novine Kantona Sarajevo“, br. 14/16, 43/16, 19/17, 20/18 i 22/19) uređen je način obavljanja, organizacije i finansiranja komunalnih djelatnosti od javnog interesa, uključujući prikupljanje, odvoz i deponovanje otpadaka. Međutim, dosadašnja primjena Zakona o komunalnoj čistoći pokazala je značajne praktične probleme kod utvrđivanja osnovice za obračun naknade za usluge prikupljanja, odvoza i deponovanja otpada jer se kao osnovica koristila korisna površina objekta, što je u praksi često dovodilo do sporova i subjektivnih procjena. Naime, nisu postojali jasni kriteriji za obračun kod poslovnih korisnika sa različitim vrstama djelatnosti ili kod domaćinstava koja žele plaćanje po članu domaćinstva. Institut „nekorištenja objekta“ iz člana 60 bio je nedovoljno preciziran, što je u praksi dovodilo do lažnih prijava i izbjegavanja obaveze plaćanja usluge prikupljanja, odvoza i deponovanja otpadaka.

Predloženim izmjenama Zakona želi se uvesti precizan i pravičan sistem obračuna, smanjiti prostor za manipulacije, osigurati stabilno finansiranje komunalnih preduzeća, te uskladiti sistem sa praksama EU i država u regionu (posebno Republike Hrvatske).

Shodno gore navedenom potrebno je da Skupština Kantona Sarajevo donese predloženi Zakon, po skraćenom postupku u skladu sa članom 158. Poslovnika Skupštine Kantona Sarajevo, obzirom da se ne radi o obimnom zakonu.

III PRAVNA RJEŠENJA

Član 1. Ovim članom se mijenja član 57. Zakona kojim preciznije uređuje ko su obveznici plaćanja i osnovica obračuna naknade usluge prikupljanja, odvoza i deponovanja otpadaka. Dosadašnje zakonsko rješenje predviđalo je da se naknada obračunava prema korisnoj površini objekta izraženoj u m². Novim rješenjem uvodi se obračun na osnovu bruto površine objekta, koja se može nesporno utvrditi na osnovu zvaničnih evidencija nadležnih organa. Za fizička lica, pored kriterija bruto površine, uvodi se i mogućnost obračuna prema broju članova domaćinstva, dok se za pravna lica naknada određuje prema količini prikupljenog, odvezenog i deponovanog otpada. Dodatno, za objekte površine do 30 m² propisana je paušalna naknada.

Član 2. Ovim članom mijenja se član 60. Zakona kojim se uređuje obaveza plaćanja naknade u slučaju kada se objekat ne koristi. Propisuje se da je korisnik usluge obavezan plaćati paušalnu naknadu i u periodu nekorištenja objekta, čime se osigurava stabilnost sistema finansiranja

usluga prikupljanja, odvoza i deponovanja otpada. Istovremeno, detaljno se uređuje procedura i način dokazivanja nekorištenja objekta.

Član 3. (Novi član 76b.) propisuje da će Vlada Kantona Sarajevo uredbom propisati način utvrđivanja i obračuna naknade iz člana 57. ovog zakona za fizička i pravna lica, uključujući kriterije za diferencirane cijene prema pretežnoj registrovanoj djelatnosti korisnika usluga, visinu i metodologiju obračuna paušalnih naknada usluge prikupljanja, odvoza i deponovanja otpadaka, elemente koje naknada obuhvata, uključujući troškove prikupljanja, odvoza i deponovanja otpadaka, postupak provjere i ažuriranja podataka o korisnicima usluga, način i postupak dokazivanja trajnog nekorištenja objekta iz člana 60. ovog zakona.

Član 4. Ovim članom propisuju se prelazne odredbe koje preciziraju rok u kojem je Vlada Kantona Sarajevo dužna donijeti uredbu iz člana 76b. ovog zakona. Također, propisano je da se, do početka primjene navedene uredbe, obračun i naplata usluge prikupljanja, odvoza i deponovanja otpada nastavljaju vršiti u skladu sa važećim odredbama Zakona o komunalnoj čistoći („Službene novine Kantona Sarajevo“, br. 14/16, 43/16, 19/17, 20/18 i 22/19).

Član 5. Ovim članom propisuje se da zakon stupa na snagu osmog dana od dana objave u „Službenim novinama Kantona Sarajevo“

IV FINANSIJSKA SREDSTVA

Za realizaciju ovog zakona nisu potrebna dodatna finansijska sredstva u budžetu Kantona Sarajevo.

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organa uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14

22. augusta 2014. godine
SarajevoPo ovlaštenju
Esad Hrvačić, s. r.

ZAKON

O SUDSKIM TAKSAMAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.


Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev



2221
PBT
8351



Broj: 03-04/2-02-48186/25
Sarajevo, 06.10.2025. godine

**MINISTARSTVO KOMUNALNE PRIVREDE,
INFRASTRUKTURE, PROSTORNOG UREĐENJA,
GRADENJA I ZAŠTITE OKOLIŠA**
gosp. [redacted] ministar

**PREDMET: Prijedlog Zakona o izmjenama i dopuni Zakona o komunalnoj
čistoći, dostavlja se –**
VEZA: Vaš akt, broj: 05-04-47451-4/25 od 02.10.2025. godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17 – Drugi novi prečišćeni tekst, 2/18 – Ispravka i 32/22), Ministarstvo pravde i uprave razmotrilo je dostavljeni prijedlog Zakona i daje sljedeće

MIŠLJENJE

Prijedlog Zakona o izmjenama i dopuni Zakona o komunalnoj čistoći je propis kojim se ne povrjeđuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,

Dostaviti:

1. Naslovu;
2. a/a.

MINISTARICA
[redacted]



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-083, Fax: + 387 (0) 33 562-241
Web: <http://mpu.ks.gov.ba>, E-mail: mpu@mpu.ks.gov.ba

1/1



Broj: 09-02-47463/25
Sarajevo, 02.10.2025. godine

KANTON SARAJEVO
MINISTARSTVO KOMUNALNE PRIVREDE, INFRASTRUKTURE, PROSTORNOG
UREĐENJA, GRAĐENJA I ZAŠTITE OKOLIŠA

PREDMET: Mišljenje na prijedlog Zakona o izmjenama i dopuni Zakona o komunalnoj čistoći.-

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo ("Službene novine Kantona Sarajevo", broj 20/23) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Drugi novi prečišćeni tekst, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

MIŠLJENJE

1. Prijedlog Zakona o izmjenama i dopuni Zakona o komunalnoj čistoći (u daljem tekstu: Zakon) uređuje pitanja iz čl. 57. i 60. Zakona o komunalnoj čistoći ("Službene novine Kantona Sarajevo", br. 14/16, 43/16, 19/17, 20/18 i 22/19), kojim se regulišu obveznici plaćanja i osnovica za obračun naknade i trajno nekorištenje objekta. Nadalje, nosilac pripreme predmetnog materijala propisuje i novi član 76b., kojim se reguliše način utvrđivanja i obračuna naknade, odnosno donošenje uredbe od strane Vlade Kantona Sarajevo.

Prijedlog Zakona uređuje pitanja iz oblasti komunalne čistoće koja su u nadležnosti nosioca pripreme predmetnog materijala koji je i odgovoran za njihovu tačnost i zakonitost, a naročito za slučajeve kada se vlasnik objekta ne može utvrditi, kada nije poznato da li postoji pravni osnov i pravo na korištenje i raspolaganje stanova i poslovnih prostora, mogućnosti paušalne naplate od strane fizičkog lica (umjesto naplate prema broju članova domaćinstva), naplate bez zaključenog ugovora o korištenju usluge prikupljanja, odvoza i deponovanja otpadaka sa komunalnim preduzećem i utuživanja pred nadležnim sudom.

Imajući u vidu značaj i izuzetnu složenost materije koja se reguliše predmetnim propisom i koja zahtijeva učešće svih zainteresiranih strana preporuka Ureda za zakonodavstvo Vlade Kantona Sarajevo (u daljem tekstu: Ured) je da nosilac pripreme predmetnog materijala obavi konsultacije sa


jedinicama lokalne samouprave na području Kantona Sarajevo za pitanja koja su sadržana u tekstu prijedloga Zakona, a koja ih se direktno tiču, odnosno da se predmetni materijal pripremi u formi nacrtu radi provođenja javne rasprave.

Također, preporuka Ureda je da se predmetni materijal dopuni sa mišljenjem Ministarstva pravde i uprave Kantona Sarajevo po pitanju zaštite ljudskih prava i osnovnih sloboda i mišljenjem Pravobranilaštva Kantona Sarajevo vezano za odredbe prijedloga Zakona koje su imovinsko-pravnog karaktera.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst, 2/18- Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

- ① Naslovu
2. Evidencija
3. Arhiva





Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

01
07-10-2025

Broj: 08/03-02-47465/25 NB
Sarajevo, 29.09.2025. godine

KANTON SARAJEVO
MINISTARSTVO KOMUNALNE PRIVREDE, INFRASTRUKTURE,
PROSTORNOG UREĐENJA, GRAĐENJA I ZAŠTITE OKOLIŠA

Predmet: Mišljenje na Prijedlog zakona o izmjenama i dopunama Zakona o komunalnoj čistoći
Veza: Vaš dopis br.: 05-04-47451/25 od 26.09.2025. godine.

Vezano za Vaš zahtjev za mišljenje na Prijedlog zakona o izmjenama i dopunama Zakona o komunalnoj čistoći, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je postupilo u skladu sa navedenim Pravilnikom i Ministarstvu finansija uz Prijedlog zakona, dostavili na mišljenje popunjen i potpisan obrazac IFP-NE u kojem je data sljedeća izjava: „Za implementaciju ovog Zakona nisu potrebna dodatna sredstva u Budžetu Kantona Sarajevo za 2025. godinu“.

Obzirom da za provođenje Prijedloga zakona nisu potrebna dodatna sredstva iz Budžeta Kantona Sarajevo, na navedeni Prijedlog zakona o izmjenama i dopunama Zakona o komunalnoj čistoći, Ministarstvo finansija, sa aspekta fiskalnog učinka na Budžet, za 2025.godinu nema primjedbi. U izjavi o fiskalnoj procjeni uticaja propisa, od strane predlagača, nisu navedeni podaci o uticaju propisa za naredne budžetske godine.

Ovo mišljenje je dato u skladu sa odredbama Prijedloga zakona koji se obrađuju i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

Dostaviti:

- ① Naslovu
2. MF – Sektor za budžet i fiskalni sistem
3. a/a

Pripremio:

Kontrolisao:



Adresa: Maršala Tita 62, 71 000 Sarajevo
Tel: + 387 (0) 33 565-005, Fax: + 387 (0) 33 565-052
Web: <http://mf.ks.gov.ba>, E-mail: mf@mf.ks.gov.ba

1/1

OBRAZAC IZJAVA O FISKALNOJ PROCJENI						Obrazac IFP NE
A 1. Obradivač propisa		KOD	NAZIV			
Razdjel	33010001	MINISTARSTVO KOMUNALNE PRIVREDE, INFRASTRUKTURE, PROSTORNOG UREĐENJA, GRAĐENJA I ZAŠTITE OKOLIŠA KANTONA SARAJEVO				
B 2. Osnovni podaci o prijedlogu propisa						
Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta						ZAKON O IZMJENAMA I DOPUNAMA ZAKONA O KOMUNALNOJ ČISTOĆI
C 3. Izjava o nepostojanju dodatnih fiskalnih efekata predloženog propisa						
Za implementaciju ovog Zakona nisu potrebna dodatna sredstva u Budžetu Kantona Sarajevo za 2025. godinu.						
D 4. Pečat i potpis odgovornog lica obradivača, odnosno predlagача propisa		MINISTAR			Mjesto i datum	26.9.2025. godine





Petak, 21. septembra 2012.

SLUŽBENE NOVINE
KANTONA SARAJEVO

Broj 41 – Strana 27

Predsjedavajući zaprimljene amandmane dostavlja predlagачu koji je obavezan u roku od 5 dana od dana dostavljanja amandmana da se očituje u pisanoj formi i očitovanje dostavi predsjedavajućem.

Član 153.

Na amandman predlagачa zakona svaki poslanik/zastupnik može podnijeti amandman do zaključenja pretresa.

Kada se amandmanom mijenjaju načela na kojima se zasniva zakon ili se angažuju značajnija materijalna sredstva, na prijedlog 10 poslanika/zastupnika, Zakonodavno-pravne komisije, nadležnog ili drugog radnog tijela Skupštine, Skupština može odlučiti da se odloži rasprava radi zauzimanja stavova u klubovima poslanika/zastupnika.

Član 154.

Ukoliko se amandmanom bitnije mijenja tekst prijedloga zakona, o amandmanu se ne može odlučiti prije nego što se o njemu ne izjasne nadležna radna tijela Skupštine, Zakonodavno-pravna komisija i Vlada.

Član 155.

Ako amandman na prijedlog zakona sadrži odredbe kojima se angažuju finansijska sredstva, predsjedavajući Skupštine dostavlja amandman i nadležnom kantonalnom organu u čiji djelokrug spadaju pitanja obezbjeđenja sredstava i raspolaganja sredstvima da razmotri uticaj odredaba amandmana na raspoloživa sredstva i na obezbjeđenje sredstava za finansiranje predloženog rješenja i da o tome izvesti Skupštinu.

Član 156.

Povodom amandmana na prijedlog zakona podnesenog u toku pretresa, Skupština može odlučiti da se pretres prekine da bi se o amandmanu izjasnila Vlada, nadležno radno tijelo, klubovi naroda i Zakonodavno-pravna komisija.

Član 157.

Podnosilac prijedloga zakona se izjašnjava o amandmanu.

Vlada Kantona se izjašnjava o amandmanima i kada nije predlagач zakona.

Amandman podnosioca prijedloga zakona, kao i amandman drugog ovlaštenog predlagачa sa kojim se podnosilac prijedloga saglasio, postaje sastavni dio prijedloga zakona.

O amandmanu na prijedlog zakona sa kojim se nije saglasio predlagач, a podnosilac amandmana nije odustao od njega, Skupština glasa odvojeno.

- Donošenje zakona po skraćenom postupku

Član 158.

Kad je to programom rada Skupštine predviđeno ili kad nije u pitanju složen i obiman zakon, podnosilac prijedloga zakona može umjesto nacrtu da podnese prijedlog zakona i da predloži da se prijedlog zakona pretresa po skraćenom postupku bez nacrtu zakona.

Ako Skupština ne prihvati da pretresa prijedlog zakona po skraćenom postupku, sa prijedlogom zakona će se postupiti kao sa nacrtom i o tom nacrtu odmah se vrši rasprava.

- Donošenje zakona po hitnom postupku

Član 159.

Zakoni se, po pravilu, ne donose po hitnom postupku.

Izuzetno, po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za društvene interese u Kantonu.

Član 160.

Prijedlog da se donese zakon po hitnom postupku, skupa sa prijedlogom tog zakona, može da podnese svaki poslanik/zastupnik, radno tijelo Skupštine ili Vlada, uz obrazloženje zašto je neophodno da se zakon donese po hitnom postupku.

Član 161.

O prijedlogu za donošenje zakona po hitnom postupku odlučuje Skupština kao o prethodnom pitanju na sjednici Skupštine prije utvrđivanja dnevnog reda.

O prijedlogu se vodi pretres, a Skupština može odlučiti da podnosilac prijedloga zakona ili njegov predstavnik na sjednici Skupštine usmeno navede razloge zbog kojih je potrebno da se zakon donese po hitnom postupku.

Ako prijedlog nije podnijela Vlada, Skupština će prije odlučivanja od nje zatražiti mišljenje o ovom prijedlogu.

Ako Skupština usvoji prijedlog za donošenje zakona po hitnom postupku, prijedlog zakona se unosi u dnevni red i o njemu se odlučuje na istoj sjednici Skupštine.

Ako Skupština ne prihvati razloge iz člana 159. stav 2. ovog poslovnika za donošenje zakona po hitnom postupku, o svom zaključku odmah obavještava podnosioca prijedloga zakona, te o njemu raspravlja kao o nacrtu.

Član 162.

Predsjedavajući Skupštine, kad primi prijedlog da se zakon donese po hitnom postupku, zatražiće od Zakonodavno-pravne komisije i odgovarajućeg radnog tijela da razmotre prijedlog zakona i podnesu Skupštini izvještaj.

Skupština može, kad utvrdi potrebu donošenja zakona po hitnom postupku ili u toku pretresa, da zatraži od Zakonodavno-pravne komisije i odgovarajućeg radnog tijela da razmotre prijedloge i podnesu odmah izvještaj o prijedlogu zakonu.

Član 163.

Na prijedlog zakona koji se donosi po hitnom postupku mogu da se podnose amandmani do zaključenja pretresa.

Ako se amandmanom mijenjaju načela na kojima se zasniva prijedlog zakona, ili ako bi prihvatanje amandmana prouzrokovalo bitnu izmjenu teksta prijedloga zakona, ili ako se amandmanom angažuju finansijska sredstva, Skupština će odlučiti o amandmanu kad pribavi mišljenje Zakonodavno-pravne komisije i kad se o tom izjasni Vlada.

Zakonodavno-pravna komisija i druga nadležna tijela dužni su da odmah razmotre dostavljene amandmane i da podnesu Skupštini izvještaj sa mišljenjem i prijedlozima.

- Vršenje ispravki u zakonu, drugom propisu i općem aktu

Član 164.

Prijedlog za ispravku štamparskih grešaka u objavljenom tekstu zakona, drugih propisa i općih akata Skupštine podnosi kantonalni organ uprave koji je nadležan za staranje o izvršavanju tih akata ili ovlašteni podnosilac prijedloga zakona, drugog propisa ili općeg akta.

Ispravke štamparskih grešaka u objavljenom tekstu zakona, drugog propisa ili općeg akta Skupštine, poslije sravnjivanja sa izvornikom zakona, drugog propisa ili općeg akta Skupštine, daje sekretar Skupštine.

- (4) Sa krovova stambenih zgrada u vlasništvu građana, uklanjanje snijega vrše njihovi vlasnici.
- (5) Pri uklanjanju snijega sa krovova moraju se upozoriti prolaznici na opasnost, ne smije se oštećivati zračna mreža, a skinuti snijeg mora se ukloniti, tako da ne ometa saobraćaj na kolovozu i pješačkim stazama.

Član 52.

(Odlaganje i deponovanje uklonjenog snijega)

- (1) Uklonjeni snijeg sa kolovoza, pločnika i drugih javnih površina sakuplja se u gomile na ivici kolovoza, odnosno pločnika, tako da se ne zatrpavaju slivnici, oluci i rigoli.
- (2) Zabranjeno je iznositi snijeg iz dvorišta na kolovoz i pločnike.
- (3) Mjesio za deponovanje uklonjenog snijega, određuje općinski organ nadležan za komunalne poslove.

Član 53.

(Stalna zimska služba)

Komunalna preduzeća dužna su za period od 1. novembra do 31. marta tekuće godine da organizuju stalnu zimsku službu, radi blagovremenog izvršenja Programa uklanjanja snijega i posipanja javnih površina.

Član 54.

(Zabrana oštećivanja površina, objekata i nasada)

- (1) Za vrijeme uklanjanja snijega ne smiju se oštećivati površine sa kojih se uklanja snijeg, objekti i nasadi na tim površinama.
- (2) Preduzeće ili drugo pravno lice i građanin koji ošteti površine, objekte i nasade iz stava (1) ovog člana dužni su da ih dovedu u prvobitno stanje.

DIO PETI - SREDSTVA ZA OBAVLJANJE KOMUNALNE ČISTOĆE

Član 55.

(Sredstva za obavljanje komunalne čistoće)

- (1) Sredstva za obavljanje komunalne čistoće za usluge koje spadaju u individualnu komunalnu potrošnju obezbjeđuju se iz cijene komunalnih usluga koju plaćaju korisnici, a utvrđuju je komunalna preduzeća uz saglasnost Vlade Kantona.
- (2) Sredstva za obavljanje komunalne čistoće za usluge koje spadaju u zajedničku komunalnu potrošnju obezbjeđuju se iz budžetskih sredstava Kantona - komunalna naknada i drugi predviđeni izvori, a visina potrebnih sredstava utvrđuje se na osnovu Programa.

Član 56.

(Namjena sredstava komunalne čistoće)

Sredstva iz člana 55. ovog zakona obezbjeđuju se za komunalne usluge:

- a) prikupljanja, odvođenja i deponovanja otpadaka,
- b) uništavanja i preradu otpadaka,
- c) održavanja deponije,
- d) čišćenja otpadaka sa javnih površina,
- e) pranja asfaltiranih, betoniranih i popločanih javnih površina i
- f) uklanjanja snijega sa javnih površina.

Član 57.

(Obveznici plaćanja)

- (1) Usluge prikupljanja, odvođenja i deponovanja otpadaka iz stambenih zgrada i stanova plaćaju, po utvrđenoj cijeni, korisnici stambenog prostora.
- (2) Usluge prikupljanja, odvođenja i deponovanja otpadaka iz poslovnih zgrada i prostorija plaćaju, po utvrđenoj cijeni, korisnici tih zgrada i prostorija.
- (3) Usluge prikupljanja, odvođenja i deponovanja otpadaka iz garaža plaćaju, po utvrđenoj cijeni, korisnici prostora.
- (4) Osnovica za utvrđivanje visine cijene iz st. (1), (2) i (3) ovog člana je kvadratni metar (m^2) korisne izgrađene površine.
- (5) Za usluge iz stava (2) ovog člana primjenjuju se diferencirane cijene zavisno od vrste djelatnosti koje se obavljaju u zgradama i prostorijama.

- (6) Diferencirane cijene određuju komunalna preduzeća uz saglasnost Vlade Kantona.

- (7) Utvrđivanje visine cijene za odvoženje otpadaka koji nastaje u procesu rada određuje se posebnim ugovorom.

- (8) Usluge deponovanja otpadaka na deponiji, plaćaju se po cijeni koju određuju komunalna preduzeća iz člana 6. stav (1) ovog zakona, uz saglasnost Vlade Kantona.

- (9) Prema utvrđenom Programu održavanja čistoće, sredstva za komunalne usluge iz člana 56. alineje d), e) i f). ovog zakona obezbjeđuju se iz budžetskih sredstava Kantona Sarajevo - komunalna naknada i drugi predviđeni izvori, a na ostalim javnim površinama iz člana 4. ovog zakona, sredstva obezbjeđuju preduzeća ili druga pravna lica koja koriste javne površine.

- (10) Korisnicima usluga, u smislu odredaba ovog zakona, smatraju se obveznici plaćanja, čiji su objekti i javne površine obuhvaćene Programom održavanja čistoće.

Član 58.

(Obaveza plaćanja i kad usluga nije izvršena)

Korisnici usluga iz člana 57. ovog zakona dužni su plaćati usluge komunalne čistoće komunalnim preduzećima i kada ova usluga nije izvršena, ako je izvršenje usluga ponudeno, osim u slučajevima kada se usluga nije smjela izvršiti iz razloga navedenih u članu 16. ovog zakona.

Član 59.

(Početak obaveze plaćanja usluga)

- (1) Korisnici usluga dužni su plaćati usluge prikupljanja, odvođenja i deponovanja otpadaka od prvog dana narednog mjeseca u kojem je započeta upotreba objekta.

- (2) Korisnici usluga dužni su objekte prijaviti komunalnim preduzećima u roku od 15 dana od dana započete upotrebe objekta.

- (3) Ukoliko korisnik usluga ne postupi u smislu stava (2) ovog člana ovlašteni radnici komunalnog preduzeća takvog korisnika usluge će evidentirati kroz zapisnik o uklanjanju korisnika usluga, koji će predstavljati osnov za plaćanje usluga iz stava (1) ovog člana.

- (4) Nadležne općinske službe dužne su dostaviti komunalnom preduzeću rješenje o dozvoli za rad i rješenje o prestanku rada svih subjekata sa područja nadležne općine radi vođenja evidencije i naplate komunalne usluge.

Član 60.

(Nepostojanje obaveze plaćanja usluga)

- (1) Korisnik usluga nije dužan plaćati za usluge prikupljanja, odvođenja i deponovanja otpadaka, ako se objekat za koji se vrši plaćanje ovih usluga ne koristi tri i više kalendarskih mjeseci, pod uslovom da je pismenim podneskom prijavio komunalnom preduzeću prestanak korišćenja objekta.

- (2) U pismenom podnesku, korisnik usluga mora označiti i vrijeme za koje neće koristiti objekat, u protivnom, smatraće se da nije ni prijavio prestanak korišćenja objekta.

- (3) Ako korisnik usluga počne da koristi objekat prije isteka vremena navedenog u podnesku, dužan je u roku od osam dana od dana početka korišćenja objekta, pismeno obavijestiti komunalno preduzeće i plaćati usluge prikupljanja, odvođenja i deponovanja otpadaka od prvog dana u mjesecu u kojem je započeo koristiti objekat.

- (4) Korisnici stambenog prostora na području Kantona, koji žive i rade u inostranstvu ili izvan područja Kantona, a koji povremeno koriste stambeni prostor, dužni su plaćati naknadu za odvoz otpada po postojećem cjenovniku za period korišćenja stana, odnosno za period koji ne može biti manji od tri mjeseca u toku jedne kalendarske godine.

- (5) Vlasnik stana iz stava (4) ovog člana dužan je komunalnom preduzeću prijaviti period od najmanje tri mjeseca za koji će plaćati uslugu, a u protivnom će se smatrati korisnicima usluga tokom čitave godine.

(6) Ne može se otkazati korišćenje usluga prikupljanja, odvoženja i deponovanja otpadaka iz garaža.

Član 61.

(Obaveza vršenja usluga i u slučaju neplaćanja)

- (1) Komunalna preduzeća dužna su vršiti usluge prikupljanja, odvoženja i deponovanja otpadaka sa područja koja su obuhvaćena Programom održavanja čistoće i u slučaju ako korisnici usluga ne plaćaju ove usluge.
- (2) Korisnici usluga dužni su da plaćaju usluge prikupljanja, odvoženja i deponovanja otpadaka sa područja koja su obuhvaćena Programom održavanja čistoće, osim, ako komunalni inspektor zapisnički konstatuje da se ova usluga ne vrši.

DIO ŠESTI - NADZOR

Član 62.

(Organ nadležan za nadzor nad provođenjem Zakona, programa i operativnih planova)

Nadzor nad provođenjem odredba ovog zakona, programa i operativnih planova održavanja čistoće i uklanjanja snijega vrši kantonalni organ nadležan za komunalne poslove.

Član 63.

(Inspeksijski nadzor)

Poslove inspeksijskog nadzora vrši kantonalni inspektorat nadležan za komunalnu inspekciju.

Član 64.

(Osiguravanje neposrednog čuvanja čistoće)

Rad osvajivanja zaštite komunalne čistoće na teritoriji Kantona, komunalna preduzeća dužna su osigurati neposredno čuvanje čistoće.

Član 65.

(Komunalni redari)

- (1) Neposrednu zaštitu komunalne čistoće obavljaju komunalni redari.
- (2) Komunalne redare imenuje direktor komunalnog preduzeća.

Član 66.

(Provedbeni propis)

Kantonalni organ nadležan za komunalne poslove propisuje zadatke i način obavljanja dužnosti komunalnog redara, način odijevanja i oznake, te oblik i sadržaj legitimacije komunalnog redara.

Član 67.

(Pravo komunalnog redara)

- (1) Ako komunalni redar zatekne lice koje vrši radnju suprotno odredbama ovog zakona i propisima donesenim na osnovu njega, ima pravo zatražiti na uvid ličnu kartu ili drugu ispravu na osnovu koje može utvrditi identitet lica i sačiniti zapisnik ili službeni zabilješku.
- (2) Ako, na osnovu zaprimljene prijave od strane građana, utvrdi da postoji osnovana sumnja izvršenja radnje suprotno odredbama ovog zakona i propisima donesenim na osnovu njega, komunalni redar može sačiniti zapisnik ili službeni zabilješku.
- (4) Komunalni redar zapisnički može naložiti čišćenje otpada ili na drugi način zaprljane javne i druge površine u skladu sa odredbama ovog zakona.

Član 68.

(Ovlašćenja komunalnog redara)

U ostvarivanju zaštite komunalne čistoće, komunalni redar je ovlašten da vrši kontrolu u pogledu održavanja čistoće na javnim i drugim površinama, sačinjava zapisnike i službene zabilješke na licu mjesta, koje prosljeđuje nadležnoj kantonalnoj komunalnoj inspekciji na postupanje.

DIO SEDMI KAZNENE ODREDBE

Član 69.

(Prekršaji i kazne za komunalna preduzeća)

- (1) Novčanom kaznom od 1.000,00 KM do 6.000,00 KM kazniće se za prekršaj komunalna preduzeća:
 - a) ako ne održava čistoću na javnim površinama iz člana 4. tač. a) i h) al. 1. i 2. ovog zakona (član 6. st. (1) i (2));
 - b) ako se ne pridržava obaveza utvrđenih u članu 7. stav (1) i članu 9. ovog zakona;
 - c) ako na javnim površinama na kojima čistoću održavaju komunalna preduzeća ne postavi korpe za otpatke, ne uklone i ne zamijeni ih novim (član 11);
 - d) ako broj posuda ne omogućava sakupljanje cjelokupnog otpada (član 27);
 - e) ako ne nabavlja, ne održava, ne dezinfikuje i ne pere posude (član 29. stav (1));
 - f) ako ne odvoze otpatke iz člana 5. stav (1) tač. a) do c) ovog zakona prema rasporedu utvrđenom operativnim planom i ako ne dostave operativni plan nadležnim organima (član 7);
 - g) ako ne odvoze otpatke iz namjenskih posuda (član 32);
 - h) ako se otpaci odvoze i deponuju vozilima koja nisu podešena za tu svrhu, čime se omogućava rasipanje otpadaka prilikom transporta (član 35);
 - i) ako ne uklanja snijeg sa javnih površina iz člana 4. tač. a) i h) alineje 1. i 2. ovog zakona (član 41. st. (1) i (2));
 - j) ako se ne pridržavaju obaveza utvrđenih u članu 42. st. (1) i (3) i članu 44. ovog zakona;
 - k) ako za period predviđen u članu 53. ovog zakona ne organizuju stalnu zimsku službu.
- (2) Za prekršaj stave (1) ovog člana kazniće se i odgovorno lice u komunalnom preduzeću novčanom kaznom od 300,00 KM do 2.000,00 KM.

Član 70.

(Prekršaji i kazne za komunalna preduzeća)

- (1) Novčanom kaznom od 1.000,00 KM do 5.000,00 KM kazniće se za prekršaj komunalna preduzeća:
 - a) ako postupi suprotno zabrani utvrđenoj u članu 12. ovog zakona;
 - b) ako blati izloge i fasade prilikom pranja ulica (član 15. tačka f));
 - c) ako odredi mjesta za posude i korpe za otpatke na javnim površinama bez suglasnosti općinskog organa nadležnog za komunalne poslove (član 21. stav (1));
 - d) ako ne dovede u prvobitno stanje oštećene površine, objekte i nasade sa kojih se uklanja snijeg (član 54. stav (1)).
- (2) Za prekršaj iz stava (1) ovog člana kazniće se i odgovorno lice u komunalnim preduzećima novčanom kaznom od 300,00 KM do 1.500,00 KM.

Član 71.

(Prekršaji i kazne za pravno lice i lice koje obavlja samostalnu poslovnu djelatnost - obrt)

- (1) Novčanom kaznom od 1.000,00 KM do 6.000,00 KM kazniće se za prekršaj pravno lice:
 - a) ako ne održava čistoću na javnim površinama za čiju čistoću je odgovoran (član 6. stav (3));
 - b) ako na javnim površinama na kojima čistoću održavaju korisnici, odnosno nosioci prava upravljanja tim površinama, ne postave korpe za otpatke, ne uklone i ne zamijene ih novim (član 11. stav (2));
 - c) ako se pravno lice - izvođač građevinskih radova ne pridržava obaveza utvrđenih u članu 14. ovog zakona;
 - d) ako učini koju od zabranjenih radnji iz člana 15. tač. a), b), c), d), e), f), g), h), j), k), li, m), n) o), r), s), t), u) i v) ovog zakona;
 - e) ako posude u stambenim i poslovnim zgradama i prostorijama ne drže na mjestu koje je predviđeno

investiciono-tehničkom dokumentacijom po kojoj su te zgrade odnosno prostorije izgrađene ili ako se prostorije za snižetak posuda koriste u druge svrhe ili se vrši izmjena namjene tih prostorija (član 20. st. (2) i (3));

- f) ako se ne pridržavaju obaveza utvrđenih u članu 21. stav (2) ovog zakona;
 - g) ako ne obavljaju i ne održavaju posude na javnim površinama za čiju čistoću su odgovorni (član 33. st.(2) i (3));
 - h) ako se otpaci odvoze i deponuju na deponiju vozilima koja nisu podešena za tu svrhu i omogućava se rasipanje otpadaka prilikom transporta (član 35), ili ako vrši odlaganje zemlje od iskopa sa gradilišta ili drugog građevinskog otpada, a otpad se ne koristi u tehnološkom procesu (član 40. stav (2));
 - i) ako ne uklanja snijeg sa javnih površina koje koriste ili kojima upravljaju član 41. stav(3));
 - j) ako se ne pridržavaju obaveza utvrđenih u čl. 47, 48, 49, 50. i 51. st. (2), (3) i (5) ovog zakona.
- (2) Za prekršaj iz stava (1) ovog člana kazniće se i odgovorno lice u preduzeću ili drugom pravnom licu novčanom kaznom od 500,00 KM do 2.000,00 KM.
- (3) Za prekršaj iz stava (1) ovog člana kazniće se i lice koje obavlja samostalnu poslovnu djelatnost - obrt novčanom kaznom 500,00 KM do 2.500,00 KM.

Član 72.

(Prekršaji i kazne za pravno lice i lice koje obavlja samostalnu poslovnu djelatnost - obrt)

- (1) Novčanom kaznom od 1.000,00 KM do 5.000,00 KM kazniće se za prekršaj pravno lice:
- a) ako ne održava čistoću na drugim površinama iz člana 2. ovog zakona (član 3);
 - b) ako postupi suprotno zabrani utvrđenoj u članu 12. ovog zakona;
 - c) ako pri korišćenju javnih površina, eventualna oštećenja i zaprljanost na vrijeme i po završetku ne ukloni (član 16), ako se iz vozila koja se kreću ili se nalaze na javnim saobraćajnim površinama prosipa i rastura utovareni materijal (član 17);
 - d) ako se ne pridržavaju obaveza utvrđenih u čl. 18. i 19. ovog zakona;
 - e) ako učini prekršaj iz člana 31. ovog zakona;
 - f) ako postupi suprotno odredbi člana 52. stav (1) ovog zakona;
 - g) ako ne dovede u prvobitno stanje oštećene površine, objekte i nasade sa kojih se uklanja snijeg (član 54. stav 2).
- (2) Za prekršaj iz stava (1) ovog člana kazniće se i odgovorno lice u preduzeću ili drugom pravnom licu novčanom kaznom od 300,00 KM do 1.500,00 KM.
- (3) Za prekršaj iz stava (1) ovog člana kazniće se i lice koje obavlja samostalnu poslovnu djelatnost - obrt novčanom kaznom 300,00 KM do 2.000,00 KM.

Član 73.

(Prekršaji i kazne za pravno lice i lice koje obavlja samostalnu poslovnu djelatnost - obrt)

- (1) Novčanom kaznom od 1.500,00 KM kazniće se pravno lice:
- a) ako postavlja na javnu površinu predmete koji mogu remeti kretanje pješaka, uprljati ili povrijediti prolaznike i drugo (član 15. tačka e);
 - b) ako prlja, šara, oštećuje i zagađuje zgrade, javne vodovodne, telefonske, sanitarne i druge uređaje i njihove dijelove, blati izloge i fasade prilikom pranja ulica, ljepljenje plakata bez dozvole i izvan mjesta određenih za tu svrhu (član 15. tačka f);
 - c) ako prosipa i rastura utovareni materijal iz vozila koja se kreću ili se nalaze na površini javnog saobraćaja (član 17);
 - d) ako istovar i utovar ogrjevnog, građevinskog i drugog materijala i robe vrši na površini javnog saobraćaja, a za to postoji druga površina, pri čemu se utovar i istovar ne

obavlja brzo i bez odlaganja, ako prevoz, utovar i istovar smeća, papira, kabastog otpada, kamena, strugotine, zemlje, pijeska i drugog otpada vrši vozilima u neodgovarajućoj ambalaži i opremi, koja omogućava rasipanje materijala (član 18);

(2) Za prekršaj iz stava (1) ovog člana kazniće se i odgovorno lice u pravnom licu novčanom kaznom od 300,00 KM.

(3) Za prekršaj iz stava (1) ovog člana kazniće se lice koje obavlja samostalnu poslovnu djelatnost - obrt novčanom kaznom 500,00 KM.

(4) Za prekršaj iz stava (1) ovog člana kazniće se fizičko lice novčanom kaznom od od 300,00 KM.

Član 74.

(Prekršaji i kazne za fizičko lice)

Novčanom kaznom od 100,00 KM do 1.500,00 KM kazniće se za prekršaj fizičko lice:

- a) ako ne održava čistoću na drugim površinama iz člana 2. ovog zakona (član 3);
- b) ako pri obrezivanju i čišćenju grmlja i živih ograda, materijal i otpatke ne ukloni i javnu površinu ne očisti nakon završenog posla, a ako posao traje više dana, otpatke ne ukloni po završetku svakog radnog dana (član 13);
- c) 3. ako izvođač građevinskih radova ne pridržava se obaveza utvrđenih u članu 14. ovog zakona;
- d) ako učini koju od zabranjenih radnji iz člana 15. tač. a) do v) ovog zakona;
- e) ako se ne pridržava obaveza utvrđenih u čl. 16, 17, 18. i 19. ovog zakona;
- f) ako postupi suprotno zabrani utvrđenoj u članu 20. stav (3) ovog zakona;
- g) ako postupi suprotno odredbama člana 31. ovog zakona;
- h) ako postupi suprotno odredbama člana 34. ovog zakona;
- i) ako prebire i prekopava po deponiji suprotno zabrani iz člana 39. stav (3) ovog zakona;
- j) ako se ne pridržava obaveza utvrđenih u čl. 46, 47, 48, 49. st. (4) i (5), člana 52 stav (2) i člana 54. stav (2) ovog zakona.

Član 75.

(Pripadnost i namjena sredstava od novčanih kazni)

Sredstva prikupljena od naplaćenih kazni su prihodi budžeta Kantona i isključivo će se koristiti za poboljšanje komunalne čistoće na području Kantona.

Član 76.

(Donošenje provedbenih propisa)

Propisi za provođenje ovog zakona donijet će se u roku od šest mjeseci od dana stupanja na snagu ovog zakona.

Član 76a.

Ovaj zakon primjenjivat će se do donošenja Zakona o lokalnoj samoupravi, a najduže šest mjeseci od dana stupanja na snagu ovog zakona.

Član 77.

(Stupanje na snagu Zakona)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-10332/16
30. marta 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 18. tačka b, Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), i čl. 10. i 42. Zakona o cestovnom prijevozu Federacije Bosne i Hercegovine ("Službene novine Federacije BiH", br. 28/06 i 2/10), Skupština Kantona Sarajevo, na sjednici održanoj dana 30.03.2016. godine, donijela je

propise ili druge akte niti preduzimati radnje kojima bi se na bilo koji način ograničavala prava ili narušavali interesi Bosne i Hercegovine ili Federacije na ovom području.

II - ZAŠTITA LJUDSKIH PRAVA I SLOBODA

Član 7.

Utvrdjivanje ljudskih prava i sloboda

Na području Kantona obezbjeđuje se puna zaštita ljudskih prava i sloboda utvrđenih Ustavom Bosne i Hercegovine i Ustavom Federacije, kao i u instrumentima datim u Aneksu Ustava Federacije.

Skupština ili bilo koji drugi organ Kantona ne mogu reducirati ljudska prava i slobode utvrđene aktima iz prethodnog stava. Oni su dužni u donošenju propisa i u njihovoj primjeni posebno voditi računa o efektima koje ti propisi imaju ili mogu imati u oblasti ljudskih prava i sloboda.

Član 8.

Zaštita ljudskih prava i sloboda

Skupština će obezbijediti donošenje takvih propisa kojima će se u prvom redu zaštititi utvrđena ljudska prava i slobode, te uvesti efikasni instrumenti te zaštite.

Organi vlasti u Kantonu prilikom izvršavanja propisa su obavezni onemogućiti svako narušavanje ljudskih prava i sloboda, te poduzimati sve potrebne mjere iz svoje nadležnosti radi njihove potpune zaštite. Ovo se posebno odnosi na policijske snage koje će efikasnim, preventivnim i operativnim radom obezbijediti punu ličnu i imovinsku zaštitu svakog građanina.

Član 9.

Komisija za ljudska prava

Radi zaštite ljudskih prava i sloboda i kontrole rada svih organa vlasti Kantona u ovoj oblasti, Skupština obrazuje posebnu Komisiju za ljudska prava.

Broj članova, način njihovog imenovanja te nadležnosti Komisije iz prethodnog stava utvrđuju se posebnim propisom Kantona.

Član 10.

Suradnja sa ombudsmenom i međunarodnim organizacijama

Skupština i drugi organi vlasti su obavezni pružiti ombudsmenu Bosne i Hercegovine, ombudsmenu Federacije i svim međunarodnim posmatračkim tijelima za ljudska prava potrebnu pomoć u vršenju njihovih funkcija na području Kantona.

U okviru pomoći iz prethodnog stava organi Kantona će naročito:

- a) staviti na uvid sve službene dokumente uključujući i one tajnog karaktera, te sudske i upravne spise;
- b) osigurati suradnju svake osobe i svakog službenika u davanju potrebnih informacija i podataka;
- c) osigurati pristup i kontrolu na svim mjestima gdje su osobe lišene slobode, zatvorene ili gdje rade;

d) omogućiti prisustvo sudskim i upravnim postupcima kao i sastancima organa.

Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimane odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- a) uspostavljanje i nadziranje policijskih snaga;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguravanja javnih službi;
- f) donošenje propisa o korištenju lokalnog zemljišta, uključujući i zadržavanje;
- g) donošenje propisa o unaprijeđivanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- j) provođenje socijalne politike i uspostava službi socijalne zaštite;
- k) stvaranje i primjena politike turizma i razvoja turističkih resursa;
- l) stvaranje pretpostavki za optimalni razvoj privrede koja odgovara urbanoj sredini;
- m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši sljedeće nadležnosti:

- a) jamčenje i provođenje ljudskih prava;
- b) zdravstvo;
- c) politika zaštite čovjekove okoline;

